

AKHBAR : SINAR HARIAN

MUKA SURAT : ONLINE

TARIKH : 05 OGOS 2021

HARI : KHAMIS

SENTIMEN : POSITIF

**Sinar** Premium Berita Suara Sinar Video Khas Lifestyle E-Paper Terkini Peng

Isnin | 09 Ogos 2021

>> BERITA > NASIONAL > PTPTN tawar hadiah bernilai RM50,000

## PTPTN tawar hadiah bernilai RM50,000

NORSHAHZURA MAT ZUKI || 05 Ogos 2021



PTPTN menawarkan hadiah bernilai RM50,000 menerusi Peraduan JomPAY and Win! 2021.

SHAH ALAM - Perbadanan Tabung Pendidikan Tinggi Nasional (PTPTN) dengan kerjasama Kumpulan Ambank (M) Bhd (Ambank) dan Payments Network Malaysia Sdn Bhd (PayNet) menganjurkan Peraduan JomPAY and Win! 2021 yang menawarkan hadiah bernilai RM50,000 kepada 50 pemenang bertuah.

PTPTN dalam satu kenyataan berkata, kempen itu dianjurkan bagi menghargai peminjam yang komited membuat bayaran balik pinjaman mereka.

“Kempen JomPAY & Win! 2021 pada kali ini menawarkan hadiah wang tunai berbentuk bayaran balik atau simpanan SSPN-i kepada para pemenang.

“Bagi pemenang yang mempunyai jumlah baki pinjaman kurang daripada nilai hadiah yang dimenangi, sebarang lebih daripada hadiah tersebut akan dimasukkan ke dalam akaun simpanan SSPN-i pemenang,” kata kenyataan itu.

Menurut kenyataan itu, selain menunaikan tanggungjawab membayar balik pinjaman, secara tidak langsung peminjam PTPTN juga dapat menyertai kempen yang dianjurkan dan memenangi wang tunai sebagai tambahan kewangan membantu mereka membayar balik pinjaman.

“Kempen ini terbuka kepada semua peminjam PTPTN yang membuat bayaran balik pinjaman PTPTN melalui saluran dalam talian JomPAY. Tempoh promosi adalah selama tiga bulan mulai 1 Ogos sehingga 31 Oktober 2021.

“Peminjam PTPTN hanya perlu membuat bayaran balik dengan nilai minimum RM100 dalam tempoh promosi untuk melayakkan peminjam mendapat satu cabutan dan penyertaan adalah secara automatik,” katanya.

Kenyataan itu berkata, hadiah pemenang utama berjumlah RM11,000, selain tempat kedua (RM8,000), tempat ketiga (RM5,000) dan tempat keempat (RM3,000) serta hadiah saguhati turut disediakan kepada 46 pemenang dan setiap pemenang akan menerima RM500.

<https://www.sinarharian.com.my/article/153914/BERITA/Nasional/PTPTN-tawar-hadiah-bernilai-RM50000>